

iritzia

gaurko...

...elkarriketa

Arantxa Lizarralde

• DROGARIK GABE BIZI
FUNDAZIOKO KIDEA •

«Printzipioz
drogak
legeztatzearen
aurka gaude»

Drogarik Gabe Bizi
Fundazioak kanpaina berri
bat egin berri du.

■ Alkohol kontsumoa- ren gainera kanpaina bat egin duzue. Zerk bultzatu zaituzte horretara?

Beno, batik bat gizarte honetan dagoen alkohol kontsumo handiak bultzatu gaitu horretara. Hala, gaiaren inguruan informazioa eskatu digutenei hainbat publikazio bidali dizkiegu etxera, doan noski.

■ Jende askok eskatu al du informazioa?

Bai, dezentek. Gehienbat seme-alaba nerabeak dituzten gurasoek deitu digute informazio eske.

■ Eta zer motatako informazioa bidaltzen duzue?

Beno, 16 orrialdetako publikazio bat bidaltzen dugu. Eta han informazio objektiboa eskaini dugu alkoholaren kulturaren inguruan. Nola edaten den etxean, alkohola eta autoa...

■ Topikoa den arren, arazoa, alkohola baino gehiago, alkoholaren kontsumo desagokia da?

Bai, hori hala da. Eta ez gazteen kasuan bakarrik. Alkohola neurritz kanpo edaten denean jarrera desagokiak nagusitzen dira askotan.

■ Alkoholaz gain beste droga batzuen berri ere ematen duzue. Zein jarrera duzue legeztatzearen inguruan?

Printzipioz, elkartearen izenari jarraiki, drogak legeztatzearen aurka gaude.

■ Informazioa gure keela eta hori ona litzatekeela diote batzuek.

Informazioaren aldetik hori ondo legoke, gehiegi-keriaren ondorioen berri izatea garrantzitsua da.

Iban Arregi
DONOSTIA

...esaera

«Nik deklaritzen dut justizia indartsuenaren konbenientzia
besterik ez dela» **Platon**

...hizpideak

Alemaniarren beste hordago bat bateratze fondoen partidari

■ Alemaniak gogorarazi egin du ostera ere Agenda 2000 eta bateratze fondoen inguruan duen iritzia: Espainia, Portugal eta Irlandako Errepublikak ez dute diru hori zertan jaso. Fondo hauek Europako Batasuneko (EB) kide berriei laguntzeko erabili beharko lirakeke.

Günter Verheugen Alemaniako Atzerri Ministerioi idazkariaren arabera, kuxa hori Europako Batasuneko estatu txiroenei Ekonomi eta Moneta Batasunera sartzea ahalbideratzeko sortu zen. Verheugenek adierazi duenez, Madril, Lisboa eta Dublin euroaren eremuan daude jada, eta, xede hau lortu dutenez, ez zaie sos gehiago eman behar. Egun fondo mota hau hartzen dutenetatik

Atenasek baizik ez luke oraindik laguntza ekonomikoa jaso behar, bera baita, hain zuzen, estatu pobre horien artean helburua bete ez duen bakarra. Greziarekin batera Europa Ekialdetik EBn sartzeko diren estatuak berenganatuko lukete diru hori, beraiei ere bateratze irizpideak betetzen laguntzeko.

Fondoei buruz martxoan erabakiko du EBk. Gai honetaz Alemaniak eta Espainiak dituzte jarrera aurkakoenak, eta alde biak, nor bere tesien aldekoekin batera, negoziazio mahaira ahalik eta modu indartsuenean iristen saiatzen ari dira. Verheugenen esana hordago bat besterik ez da saio luze honetan. Partida ez da oraindik amaitu.

Etxeko lanen esfortzua

■ EAEko Epaitegi Nagusiak elbarritasun egoera legala ukatu dio etxeko langile bati, haren parte mediko beldurgarria ikusita ere. Lan horretarako ez omen da «ahalegin fisikorik» egin behar, eta ondorioz langileak lanean jarraitu ahal duela ebatsi dute epaileek. Harrigarria da epaimahaia osatzen duten hiru magistratuetatik bat (lehendakaria) gizonezkoa eta beste biak emakumezkoak direla ikusita.

Frantziako Justizia auzitan

■ Nazioarteko Giza Eskubideen Federazioak Frantziako Justizia aztertu du sakonki, eta bere txostenaren ondorioak izugarriak dira. Euskaldun, kortsikar eta islamiarrekin lotutako kasuak aztertu dituzte Nazioarteko Giza Eskubideen Federazioko txostengileek eta argi azaltzen da beren jatorriagatik soilik herri horietako seme-alabek atxilotu, auzipetu eta espetxeratuak izateko arriskua dutela.

Legearen «erabilera perbertsoaz» ohartarazteaz gain, Frantziako Justizia eta demokrazia auzitan jartzen dituen baieztapenak egin ditu aipatu erakundeak. Adibidez, «Frantziak Giza Eskubideen Europako Konbentzioaren printzipioak bortxatzen ditu». Estatuak, kasu honetan Frantziakoak, Giza-eskubideak bortxatzen dituela agerian utzi du txosten honek. Eta presoan sakanaketa eta urrutzea salatzea ez du ahaztu.

...pertsonaiak



GOTZON AULESTIA • Do
nostiako Kontserbato-
rioko Konposizio ira-
kasleak mende hone-
tako konpositore
ospetsuenen partitu-
retan jasotako tekni-
ken bilakaeraren azterketa egin du.



DENNIS RODMAN • Bost
aldiz NBAko titulua
irabazi duen saskiba-
loi jokalaria polemiko-
ak jokatzan jarraituko
duela adierazi du,
nahiz eta herenegun
bestelakorik esan.



ANDRE TECHINE • Alice eta
Martin filmaren egile
frantsesa Miarrizteko
Ikus-entzunezkoen
Nazioarteko Jaialdiko
epaimahaikide da.
Bere ustez, telebista
askatasun eremu handia da.

...datua

61 musher edo zakur gidarik parte hartuko dute Pirena zeharkaldian. Horietatik 10 euskal herritarak dira. Zakur-leren zeharkaldiak 15 etapa izango ditu.

...adierazpena

«Musikaren munduan benetako
arrakasta irautea da»

Elliot Murphy
Musikaria

... seiko urrea

XABIER GURRUTXAGA

Kurdoekin bat eginik



tea da. Asanblea honen azkeneko bilera iazko udaran Italian izan zen. Hain zuzen, Italiako Parlamentuaren egoitza nagusian.

Estatu propiorik gabeko herria dugu Kurdistan. Beraien betiko lurraldea gaur egun bospasei estaturen mugen barnean sakabanaturik dago: Iran, Irak, Siria, antzina-ko Sobiet Batasuneko lurralde parte bat eta Turkia. Oro har estatu guzti horietan komunitate horren egoera benetan ta-

malgarria da, baina marka guztiak Turkian apurtzen dira. Ez dago beraientzat inongo herri eskubiderik aitorturik; ez politikorik; ez kulturarik; ez linguistikorik. Egurra, egurra eta egurra. Horixe izan da Turkiako gobernuak konfliktuari asmatu dion soluziobide bakarra.

Europako herrialdeen elkartasunaren bila datoz eta oraingoan zuzen-zuzenean Euskal Herriari eskatu diote solidaritate hori. Gurea hauta-

tu dute Europari agertarazteko zertan datzan gaur egun bizi duten egoera. Euskal Legebiltzarra aukeratu dute bilgune eta zabalguneraz. Izan ere kurdoekin jakin badakite hemen ere badela herri bezala iraun, garatu eta presente egon nahi duen komunitate bat. Etorkizunean herrien mapan bere leku propioa izan nahi duena alegia. Eta gainera kurdoekin badakite lehen ere, 1991ean eta 1994an oker ez banago behintzat, Euskal Parlamentuak aho batez, euskaldunon izenean, erakutsi ziela gure elkartasuna.

Euskal talde parlamentarioek ez ote diete Madrilgo eta Turkiako gobernuen presioei men egingo. Jokoa ez dago bakarrik kurdoen duintasuna, gurea ere bai.